

# Kodeks etike

## Uvod

Cilj Kodeksa etike Instituta ima za svrhu da promovira etičku kulturu u profesiji interne revizije.

*Interna revizija je nezavisno, objektivno uvjeravanje i konsultanska aktivnost kreirana s ciljem dodavanja vrijednosti i unaprijeđenja poslovanja organizacije. Ona pomaže organizaciji da ostvari svoje ciljeve osiguravajući sistematičan, discipliniran pristup ocjeni i poboljšanju efikasnosti upravljanja rizikom, kontrolama i procesima upravljanja.*

Kodeks etike je neophodan i podesan za profesiju interne revizije, osnovane kao što jeste na povjerenju u njeno objektivno uvjeravanje o upravljanju, rukovođenju rizikom i kontroli.

Kodeks etike Instituta proteže se izvan definicije interne revizije uključujući dvije glavne komponente:

1. Principi koji su bitni za profesiju i praksu interne revizije;
2. Pravila ponašanja koja opisuju norme ponašanja koja se očekuju od internih revizora.  
Ova pravila su pomoć u tumačenju Principa u praktičnoj primjeni i njihova je namjera da budu vodilje u etičkom opođenju internih revizora.

«Interni revizori» se odnosi na članove Instituta, primatelja ili kandidata za profesionalno certificiranje IIA i one koje pružaju usluge interne revizije unutar Definicije interne revizije.

## Primjenjivost i provedba

Ovaj Kodeks etike se primjenjuje i na lica i subjekte koji pružaju usluge interne revizije.

Za članove Instituta i primatelje ili kandidate za profesionalnu certifikaciju Instituta internih revizora, kršenje Kodeksa etike će biti procjenjivano i rješavano prema Statutu i administrativnim smjernicama Instituta. Činjenica da određeno ponašanje nije spomenuto u Pravilima ponašanja ne znači da je ono prihvatljivo ili ne predstavlja diskreditovanje i stoga član, imatelj certifikata ili kandidat može biti podložan disciplinskoj mjeri.

## Principi

Od internih revizora se očekuje da primjenjuju i da se pridržavaju slijedećih principa:

### 1. Poštenje

Poštenje internih revizora ustanovljava povjerenje i stoga pruža osnovu za povjerenje u njihov sud.

### 2. Objektivnost

Interni revizori moraju pokazivati najveći nivo profesionalne objektivnosti u prikupljanju, ocjenjivanju i saopštavanju informacija o aktivnostima ili procesima koje ispituju.

Interni revizori čine balansirane procjene svih relevantnih okolnosti i nisu pod nepropisnim utjecajem svojih interesa ili drugih prilikom formiranja prosudbi.

### 3. Povjerljivost

Interni revizori poštuju vrijednost i vlasništvo informacija koje prime i ne objavljuju informacije bez odgovarajućeg ovlaštenja osim ako ne postoji pravna ili profesionalna obaveza da to učine.

### 4. Kompetentnost

Interni revizori primjenjuju znanje, vještine i iskustvo potrebno za izvođenje usluga interne revizije.

# Kodeks etike

## Pravila ponašanja

### 1. Poštenje

Interni revizori će:

1.1 obavljati svoj posao pošteno, marljivo i odgovorno.

1.2 postupati u skladu sa zakonima i davati nalaze koje podrazumijevaju zakonski propisi i profesija.

1.3 neće svjesno učestvovati ni u kakvoj nezakonitoj radnji ili djelima koja su nečasna za profesiju interne revizije ili za organizaciju.

1.4 poštivati i doprinostiti postizanju zakonitih i etičkih ciljeva organizacije.

### 2. Objektivnost

Interni revizori:

2.1. neće učestvovati ni u kojoj aktivnosti ili odnosu koje može narušiti ili za koje se može pretpostaviti da narušava njihovu nepristrasnu procjenu, uključujući i one aktivnosti ili odnose koji mogu biti protivni interesima organizacije.

2.2 neće prihvaćati poslove koji mogu narušiti ili za koje se može pretpostaviti da narušavaju njihove profesionalne prosudbe.

2.3 će objaviti sve značajne činjenice za koje mogu ustanoviti da bi, ako se ne objave, mogle iskriviti izvještavanje o aktivnostima koje se provjeravaju.

### 3. Povjerljivost

Interni revizori:

3.1 će biti oprezni pri korištenju i zaštiti informacija koje saznaju u toku obavljanja svojih dužnosti.

3.2 se neće koristiti informacijama ni u kakvu osobnu korist niti na bilo koji drugi način koji bi bio protivan zakonu ili štetan za legitimne i etičke ciljeve organizacije.

### 4. Kompetentnost

Interni revizori:

4.1 će se upustiti samo u pružanje onih usluga za koje imaju potrebno znanje, vještine i iskustvo.

4.2 će izvršavati usluge interne revizije u skladu sa *Međunarodnim standardima profesionalne prakse interne revizije*.

4.3 će trajno unapređivati svoje sposobnosti, kao i djelotvornost te kvalitet svojih usluga.

Released October 1, 2008